
Saksnr: 2020/34856-15
Saksbehandlar: Roald Breistein

Saksgang

Utval	Utv.saksnr.	Møtedato
Kontrollutvalet		

Kurs i regi av Deloitte 1. halvår 2022**Forslag til vedtak**

1. Kontrollutvalet ber om at Deloitte gjennomfører kurs innan i samband med møte i utvalet 14.02.2022.
2. Sekretariatet vert beden om å ta seg av alt det praktiske med organisering, kunngjering og avvikling av kurset.
3. Kontrollutvalet tilbyr at fylkesting eller administrasjon kan nytte ein 2-timar kurskvote til eit kurs dei måtte ha behov for.

Samandrag

Tilbod og gjennomføring av kurs er med i avtalen mellom Vestland fylkeskommune og Deloitte. I denne saka vert tilbodet om kurs lagt fram til vurdering i kontrollutvalet.

Hogne Haktorson
kontrollsjef

Roald Breistein
seniorråddevar

Saksframlegget er godkjent elektronisk og har difor inga handskriven underskrift

Vedlegg
1 Kurstilbod 2021

Saksutgreiing

Bakgrunn for saka

Vestland fylkeskommune valde Deloitte som revisor med verknad frå 1.1.2020. I kontrakten som er inngått går dette fram av vedlegg A Kravspesifikasjon punkt 3.3:

«REVISOR skal leggje fram for kontrollutvalet tilbod om og gjennomføring kurs, for utvalet sine medlemmar, politisk nivå og/eller for medarbeidarar i administrasjonen. Tema skal avtalast med kontrollutvalet ved det einskilde høve. Omfang skal reknast til 2 kursdagar pr. år, t.d. 4 kurs á 2 timar. Det må påreknast at kursa kan måtte gjennomførast på ulike stader i Vestland fylkeskommune.»

I tilbodet frå Deloitte punkt 2.1.1 går det også fram m.a. dette:

«Deloitte er også opptatt av å sikre løpande kompetanseoverføring, både overfor administrasjonen i fylkeskommunen og for kontrollutvalet. Dette er noko vi legg vekt på i det ordinære revisjonsarbeidet, men også noko vi kan bidra med for eksempel i form av kurs, seminar og andre kompetansehevande tiltak.

Mellom anna kan vi gjennomføre kurs i fylkeskommunal eigenkontroll. Vi har god erfaring med å gjennomføre kurs og seminar om kommunal og fylkeskommunal eigenkontroll og samhandling mellom ulike aktørar i fylkeskommunen. Tilbydde ressursar har halde slike kurs mellom anna for samlingar av kontrollutvals-medlemmer frå kommunar og fylkeskommunar, som enkeltvise kurs for kontrollutval vi er revisor for, for kommunestyre, og for kontrollutvalet til Sametinget.

Deloitte vil levere til Vestland fylkeskommune to kursdagar per år som ein del av fastprisavtalen.»

Vedtakskompetanse

Kontrollutvalet har vedtakskompetanse til å vedta gjennomføring av naudsynte kurs innan vedteke budsjettamme, jf. kommunelova § 23-2 og forskrift om kontrollutval og revisjon § 2.

Vurderingar og verknader

Det blir no lagt fram sak om kva kurs kontrollutvalet skal velga i første halvår 2022. Vedlagt følgjer Deloitte sine forslag til aktuelle kurs som kan vera aktuelle å halde for kontrollutvalet og/eller administrasjonen i Vestland fylkeskommune. Er det andre tema kontrollutvalet ønskjer å ha kurs innan kan dette diskutert med Deloitte.

Det kan også vera føremålstenleg å spørja om fylkestinget eller administrasjonen ønskjer å nytta noko av denne kurskvoten til kurs dei måtte ha behov for. Dersom det er ønskjeleg antar vi at Deloitte også kan arrangere kurs digitalt.

Hittil har Deloitte gjennomført desse kursa i Vestland fylkeskommune i denne valperioden:

- Roller og rolleforståing i kommunal eigarskapsforvaltning, våren 2020
- Offentlege innkjøp 25.11.2020
- EØS-regelverket for offentleg støtte 15.02.2021
- EØS-regelverket for offentleg støtte nytta av administrasjonen i 2021
- GDPR og informasjonssikkerheit 26.10.2021

Det normale til no har vore at slike kurs har hatt ein varighet på 2 timar og at dei har vore halde i samband med eit kontrollutvalsmøte.

Konklusjon

Sekretariatet tilrår at kontrollutvalet diskuterer kva kurs dei vil at Deloitte skal gjennomføre utover i 2022 og om ein skal tilby fylkestinget eller administrasjonen å nytte delar av kurskvoten.

Utvalet bør også be sekretariatet ta seg av alt det praktiske med organisering, kunngjering og avvikling av kursa.